

## 第二篇

### 跳蚤市場 過期品？

阿力載喵喵，閣有毛阿毛，佇駁岸遐輕輕鬆鬆、悠哉仔悠哉咧騎腳踏車。

「恁看，青青的天頂有白白的雲，樹仔頂的鳥仔啾啾叫。」

「哈囉！鳥仔兄，恁好！」

「汪！汪！」

「喵……。」（？咕嚕？）

阿力恰阿毛看對喵喵閣問講：「哪會有咕嚕咕嚕的聲？」喵喵歹勢歹勢講：

「喵……，因為我腹肚朽矣。」

「哈哈，安啦！咱社區今仔日有賣中古貨的賊仔市，咱來去遐整整咧，看有啥物好空的？」阿力按呢講。

阿力、喵喵和阿毛轉來到社區，看著社區的中埕擔仔位已經排甲滿滿是，家家戶戶攏共厝裡較無咧用的物件排出來，用相交換抑是俗俗仔賣的價數了錢賣人。

江阿伯跛的泡菜，予一寡查某人呵咾甲會觸舌。

黃阿叔的舊衫仔擔，嘛有足濟人相挨相暎欲搶俗貨。

蔡大兄彼擔，規擔攏是伊儉足濟冬的廷仔、鋼普拉模型、樂高角仔恰模型車，早就共囡仔兄的目調掠牢牢囉！

陳阿姊的擔有排伊家已擱閣烘的細塊餅，閣有足濟無全型、用乾燥過的花編好的手環。

阿力牽阿毛恰喵喵，佇賊仔市內底，一擔整整過一擔，杳杳仔惹。惹到八樓奇泰彼戶的擔仔位的時，喵喵的腹肚閣開始大腸告小腸「咕嚕咕嚕」叫。

拄好奇泰的擔有咧賣寵物的用品，毋管是予狗仔啦，抑是貓仔啦，啥物攏總有。

喵喵看著這擔，喙瀾早就擋袂牢牢津落來矣，因為內底有伊上愛食的罐頭。

阿力看著喵喵遐爾仔想欲食，就拍算欲來買一寡轉去厝。阿力問頭家奇泰：「遮的罐頭按怎賣？」

奇泰講：「規擔大俗賣，一罐 60 箍，四罐提你 200 就好啦。」

阿力講：「哪會遮俗？這聲真正卯著矣！」

奇泰講：「我有飼一隻狗仔，毋過我拂毋著去，買著貓仔欲食的，閣買幾若箱呢！毋才會提出來俗俗仔賣。」

阿力講：「讚啦！阮兜喵喵恰意這味，我來買八罐，予伊食予夠氣。」

賊仔市惹煞，攏買著家已欲控的物件。欲來轉矣。才踏入門，喵喵就趕緊叫阿力共罐頭開開，伊欲好好仔享受一下。

「喵……，好食好食！幸福無地比呢！喵……。」喵琪隨甲規罐食了了，走去壁角恬恬仔舐毛。

毋過，才過一觸仔久，喵琪煞雄雄哀出來。

喵琪講：「喵……喔！我的腹肚有夠疼的！喵……。」

阿毛講：「敢是你拄才食傷雄，這馬消化不良？」

「喵……，我哪會知啦！總講一句，我就是腹肚痛。喵……。」喵琪已經疼甲摺腹肚蠱佇塗咬矣。

阿力趕緊共喵琪送去動物病院，好佳哉冗早去無拖著，醫師講喵琪應該是食著害去的食物，才會艱苦。

對診所轉來到厝了後，阿力共拄才買轉來的罐頭提出來斟酌研究，才發覺伊的保存日期有予人偷改過的痕。

「有夠可惡！哪會使共過期的物件提出來賣？我欲來去退貨。」阿力決定欲去幫喵琪討公道轉來。

阿力恁阿毛去八樓奇泰婦兜擲電鈴。電鈴擲誠久，奇泰才慢死趕來共門開一縫仔罔。

奇泰覘佇門縫細聲仔講：「你好，是阿力呢，按怎？」

### 做伙來推理

阿力斟酌看罐頭頂面的日期，才發覺有一寡日期有偷改過，倒片這四罐的有效日期攏予人偷改過矣，請佇空格內寫出原本的有效日期。

（正確答案請見第 109 頁）

阿力就共今仔日買的罐頭擲懸懸，共奇泰講：「阮喵喵食著今仔日共你買的罐頭了後，腹肚起疼。我斟酌共看，發覺你賣的罐頭攏過期矣。」

奇泰講：「恁兜的貓仔腹肚疼，啊無在穩是我罐頭引起的。你……你莫賴我喔。」

阿力無料著奇泰竟然毋認數，就用手去指罐頭頂面的保存日期講：「就算無食歹腹肚，敢講你就會使共過期的物件賣予人客咧？」

奇泰聽到遮才共規个門開開，共罐頭提過去詳細繩，口氣足聳勢共阿力講：「佗有過期？你烏白賴！」

阿毛對門縫相人去，發覺奇泰婦厝裡有足濟狗骨頭，恰予狗仔耍的迤迤物仔，趁逐家無注意，伊咻一下隨走入去。原本恬靜的厝，雄雄傳出「鏗鏗鏗」咧損、咧敲的聲。

原來佇奇泰這間厝，有飼一隻狗仔，予人關佇籠籠仔內，叫甲強欲起癢矣。狗仔的屎尿恰食的飼料攏濫濫做伙。阿力共鼻仔捏咧，真正擋袂牢彼種臭

重羶味。伊對奇泰講：「你毋是講你干焦養一隻狗仔爾，哪會環境遮爾癩？」

奇泰心袂得過，才歹勢會失禮：「煞毋知我罐頭叫傷濟，無細膩因甲過期，想講莫了錢，所以才偷改保存日期提出去賣。歹勢啦，害啗琪人艱苦，我一定會賠償醫藥費啦。」

阿力接受奇泰的賠罪，閣共伊講：「閣有啦，你袂當按呢咧顧狗仔，你愛共掃洗身軀，共環境款予四序，嘛愛毛掃出去運動，袂當干焦共關佇厝裡。」

奇泰講：「這隻狗仔已經成做我的伴矣，對今仔日開始，我會好好仔共顧，共環境摒予清氣，毛伊出去運動。拜託你原諒我啦。」

阿力看奇泰遮爾誠懇咧會失禮，就原諒伊。閣約講以後會使毛阿毛佻掃兜的狗仔，做伙出去運動、做伙耍。

### 一起來推理

倒片是奇泰掃兜的客廳，你敢會使揣出六個狗仔的迤迤物仔予阿毛？揣著的時，請共箍起來。

(正確答案請見第 109 頁)

### 誠信品德想一想

① 啥人佇賊仔市賣過期的食品？

- A 阿力
- B 奇泰
- C 毛毛

② 為啥物袂使賣過期的食品？(複選題)

- A 按呢做足無品
- B 會誤著人的健康
- C 彼は違法行為
- D 無合環保標準

(正確答案請見第 109 頁)

③ 買到過期食品，該怎麼辦？

買著過期的食品欲按怎？

抑是我會使…… 共頭家反映

擲掉莫食

講看覓，你哪會按呢做？

後改會使按怎做，才袂買著過期的食品？